

VICEPRESIDENCIA DA IGUALDADE E DO BENESTAR

SECCIÓN 05

1. COMPETENCIAS

A actual estrutura orgánica da Xunta de Galicia ven establecida polo Decreto 211/2005, do 3 de agosto, polo Decreto 232/2005, do 11 de agosto, modificado polos Decretos 332/2005, do 18 de agosto, 454/2005, do 1 de setembro e 212/2007, do 8 de novembro, procédese a fixar a estrutura orgánica dos seus distintos departamentos, sinalando o artigo 1 que os órganos superiores e directivos da Vicepresidencia da Igualdade e do Benestar son:

1. Vicepresidente
2. Secretaría Xeral
3. Secretaría Xeral de Relacións Institucionais
4. Secretaría Xeral da Igualdade
5. Secretaría Xeral do Benestar
6. Dirección Xeral de Acción Social
7. Dirección Xeral de Xuventude e Solidariedade
8. As delegacións provinciais da Igualdade e do Benestar
9. Así mesmo, se adscribe á Vicepresidencia da Igualdade e do Benestar, o Servizo Galego de Promoción da Igualdade do Home e da Muller, organismo autónomo de carácter administrativo que se rexerá en canto aos seus obxectivos, funcións, estrutura e funcionamento polo previsto na Lei galega 3/1991, do 14 de xaneiro, da súa creación e polas normas que a desenvolven.

As competencias dos referidos órganos superiores da Vicepresidencia da Igualdade e do Benestar son as seguintes:

1. O vicepresidente é a autoridade superior da Vicepresidencia da Igualdade e do Benestar e, con tal carácter, está investido das atribucións que lle confire o artigo 34 da Lei 1/1983, do 22 de febreiro, de normas reguladoras da Xunta e da súa presidencia, modificada pola Lei 11/1988, do 20 de outubro, pola Lei 2/2007, do 28 de marzo e pola Lei 12/2007, do 27 de xullo. Ademais substituirá ao presidente nos supostos previstos legalmente e exercerá as funcións que este lle delegue de conformidade co artigo 33 da referida lei.
2. A Secretaría Xeral coordinará o conxunto das políticas da Vicepresidencia e a de todos os seus órganos. Exercerá as funcións e competencias establecidas no Decreto 119/1982, do 5 de outubro, a inspección dos servizos e dos centros e organismos dependentes ou adscritos á Vicepresidencia, a

coordinación das publicacións editadas desde esta e a xestión do seu programa estatístico anual así como aquelas que lle sexan encomendadas por delegación do titular do departamento.

3. A Secretaría Xeral de Relacións Institucionais participará nos procesos de reforma estatutaria así como no resto das accións e decisións relativas ás relacións institucionais coa Administración Xeral do Estado e o Goberno do Estado. Representará á comunidade autónoma de Galicia na Comisión Mixta de Transferencias e nas comisións bilaterais de cooperación entre a Administración do Estado e a da Comunidade Autónoma. Encargarase do rexistro dos convenios que sexan autorizados polo Consello da Xunta de Galicia e os que outorguen os departamentos, organismos autónomos e entes de dereito público da Administración autonómica. Representará á Vicepresidencia naqueles supostos nos que lle sexa encomendado polo seu titular e, así mesmo, á Comunidade Autónoma de Galicia en determinados foros cando así sexa acordado polo Consello da Xunta de Galicia.
4. Á Secretaría Xeral da Igualdade correspóndelle o deseño, coordinación, avaliación e xestión das políticas que a Xunta realiza en materia de xénero, loita contra a discriminación por razón de sexo, igualdade entre homes e mulleres, loita contra as formas de violencia exercida contra as mulleres, conciliación da vida persoal, familiar e laboral. Por outra banda tamén lle compete a promoción da igualdade de oportunidades entre homes e mulleres segundo o disposto na Lei 7/2004, do 16 de xullo, para a igualdade de homes e mulleres.

Asemade, asume a xestión das políticas públicas galegas en materia de acción social nos sectores da familia e infancia segundo o disposto na Lei 4/1993, do 14 de abril, de servizos sociais; en concreto, compételle a este centro directivo a xestión da política autonómica familiar en desenvolvemento do previsto na Lei 3/1997, do 9 de xuño, galega da familia, da infancia e da adolescencia, a elaboración e seguimento dos plans integrais de apoio á familia, as competencias de mediación familiar derivadas da Lei 4/2001, do 31 de maio, reguladora da mediación familiar, e do Decreto 159/2003, do 31 de xaneiro, polo que se regula a figura do mediador familiar, o rexistro de mediadores familiares de Galicia e o recoñecemento da mediación gratuíta.

Tamén corresponde ao ámbito competencial da secretaría xeral o estudo da realidade social, a planificación e coordinación das entidades prestadoras de servizos sociais nos anteditos sectores, así como a cooperación con elas.

Por último ten atribuída a xestión das prestacións e programas dirixidos aos mencionados sectores de poboación obxecto da súa acción.

O traspaso de funcións e servizos nestas materias fíxose por medio dos seguintes reais decretos:

- a) Real decreto 2411/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia en materia de servizos e asistenciais sociais.
 - b) Real decreto 4123/1982, do 29 de decembro, sobre traspaso de funcións e servizos da Administración do Estado á Comunidade Autónoma de Galicia en materia de tempo libre.
 - c) Real decreto 2414/1983, do 20 de xullo, sobre traspaso de funcións e servizos da Administración do Estado á Comunidade Autónoma de Galicia en materia de garderías infantís laborais.
 - d) Real decreto 258/1985, do 23 de xaneiro, sobre traspaso á Comunidade Autónoma de Galicia de funcións e servizos do Instituto Nacional de Servizos Sociais (INSERSO) da Seguridade Social.
 - e) Real decreto 553/2006, do 5 de maio, de traspaso a Comunidade Autónoma de Galicia das funcións e servizos en materia educativa, de emprego e formación profesional ocupacional encomendados ao Instituto Social da Mariña.
5. Á Secretaría Xeral do Benestar corresponderalle o deseño, coordinación, avaliación e xestión das políticas da Xunta de Galicia en materia de benestar, incluíndo as políticas de xuventude, voluntariado, benestar social, inclusión social, servizos comunitarios, atención ás persoas con discapacidade e ás persoas maiores, así como a protección e tutela dos menores en situación de risco ou desamparo e a execución das medidas ditadas polos xulgados de menores nos termos establecidos pola lei. Así mesmo correspóndelle a aplicación da Lei 39/2006, do 14 de decembro, de promoción da autonomía persoal e atención ás persoas en situación de dependencia. Igualmente, encargárase da elaboración de propostas para a formulación da política da Vicepresidencia en materia de servizos comunitarios e inclusión social, da realización de funcións de estudo de necesidades e problemáticas sociais e da coordinación, control e xestión das prestacións sociais e económicas. Por último, atribúeselle a función de avaliación e control da eficacia das políticas de benestar.

Adscribíense á Secretaría Xeral do Benestar a Dirección Xeral de Acción Social e a Dirección Xeral de Xuventude e Solidariedade.

- 5.1. A Dirección Xeral de Acción Social é o órgano directivo adscrito á Secretaría Xeral do Benestar a quen lle corresponde a xestión da política autonómica en materia de acción social nos sectores de atención aos menores, aos maiores, ás persoas con discapacidade así como a relativa a servizos comunitarios e inclusión social, avaliando as necesidades e problemáticas sociais destes colectivos e realizando a coordinación, control e xestión das prestacións sociais e económicas.

Correspóndelle á dirección xeral a elaboración de propostas para a formulación da política da Vicepresidencia da Igualdade e do Benestar, planificando, coordinando e executando os plans do seu ámbito competencial e prestando o asesoramento preciso ás entidades prestadoras de servizos sociais nos devanditos ámbitos.

Particularmente, correspóndelle formular as propostas, para a elaboración do Plan galego de equipamentos e servizos sociais, a creación e xestión dos equipamentos, programas e servizos que asuma a Administración autonómica, a implantación e seguimento dos plans de calidade que os afecten, a xestión de concertos e axudas establecidas, a supervisión das actuacións das entidades destinadas á atención e promoción dos maiores, menores, persoas con discapacidade e colectivos excluídos ou en risco de exclusión, a elaboración de propostas de normativa que lles afecten a calquera outra función relativa a materias da súa competencia ou que lle sexan atribuídas pola normativa vixente no eido dos servizos sociais.

Participa no eido local, coordinando a actividade de atención especializada cos servizos de atención primaria, asesorando aos concellos e outros entes locais na creación, organización e funcionamento destes servizos e colaborando na formación permanente do seu persoal así como no funcionamento do Consello Galego de Servizos Sociais, do Consello Galego das Persoas Maiores, do Consello Galego de Persoas con Discapacidade e da Comisión Galega Interinstitucional do Menor.

Asimesmo, corresponde a este centro directivo a elaboración e seguimento dos plans integrais de apoio ao menor, a protección e tutela dos menores que se atopen en situación de risco ou desamparo e a execución das medidas ditadas polos xulgados de menores nos termos establecidos na Lei orgánica 5/2000, do 12 de xaneiro, de responsabilidade penal dos menores e a xestión das prestacións previstas na Lei 9/1991, do 2 de outubro, galega de medidas básicas para a inserción social, a cooperación coas entidades de iniciativa social e a xestión das prestacións e programas dirixidos aos anteditos sectores de poboación.

En relación cos centros, tanto propios como dependentes doutras entidades, e sen prexuízo das competencias atribuídas á Secretaría Xeral, correspóndelle coordinar a súa xestión, supervisando o seu funcionamento, e prestarlles a asistencia técnica necesaria para o correcto desenvolvemento da súa actividade.

As funcións e servizos levados a cabo por este centro directivo, foron traspasados a través dos seguintes reais decretos:

- a) Real decreto 2411/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia en materia de servizos e asistencia social.

- b) Real decreto 1108/1984, do 29 de febreiro, sobre traspaso de funcións e servizos da Administración do Estado á Comunidade Autónoma de Galicia en materia de protección de menores.
- c) Real decreto 258/1985, do 23 de xaneiro, sobre traspaso á Comunidade Autónoma de Galicia de funcións e servizos do Instituto Nacional de Servizos Sociais (INSERSO) da Seguridade Social.
- d) Real decreto 1054/1985, do 5 de xuño, sobre ampliación dos medios adscritos aos servizos traspasados á Comunidade Autónoma de Galicia en materia de menores.

5.2. Á Dirección Xeral de Xuventude e Solidariedade, dependente da Vicepresidencia da Igualdade e do Benestar e adscrita á Secretaría Xeral do Benestar, segundo o establecido no Decreto 232/2005, do 11 de agosto, corresponderalle a xestión das actuacións da Vicepresidencia en materia de mocidade, así como a coordinación das políticas de carácter interdepartamental e transversal que teñan incidencia sobre a mesma e, especificamente, o apoio ao desenvolvemento da actividade xuvenil, nas súas vertentes asociativa e de participación social, manifestacións artísticas, culturais e deportivas. Dentro do seu ámbito competencial, figura o fomento dos servizos e recursos de información aos mozos e ás mozas en todas aquelas materias que sexan relevantes para o seu desenvolvemento persoal e integración social.

Así mesmo, correspóndelle coordinar e supervisar o funcionamento dos centros, tanto propios como dependentes doutras entidades, sen prexuízo das competencias atribuídas á Secretaría Xeral, e prestarlle a asistencia técnica necesaria para o correcto desenvolvemento da súa actividade.

A Dirección Xeral de Xuventude e Solidariedade xestionará o fomento das relacións e da cooperación con outras comunidades autónomas, intercambios co estranxeiro en materia de mocidade e voluntariado, fomento dos programas de Turismo xove e coñecemento do medio e promoción e organización das actuacións en materia de información e documentación para a mocidade, así como a xestión do rexistro de entidades de acción voluntaria.

Estas funcións foron traspasadas polos seguintes reais decretos:

- a) Real decreto 2434/1982, do 24 de xullo, sobre traspaso de funcións e servizos do Estado á Comunidade Autónoma de Galicia en materia de cultura (cultura, xuventude e deportes).
- b) Real decreto 1459/1989, do 1 de decembro, de ampliación de medios á Comunidade Autónoma de Galicia en materia de xuventude (TIVE).

6. As delegacións provinciais da Vicepresidencia da Igualdade e do Benestar existirán en cada unha das provincias da comunidade autónoma, de acordo co establecido no Decreto 5/1987, do 14 de xaneiro, polo que se organiza a Administración periférica da Xunta de Galicia e se regulan as competencias dos seus órganos territoriais.

Á fronte de cada delegación provincial existirá un delegado que, reunindo os requisitos esixidos no Decreto 244/1990, do 18 de abril, asumirá as funcións e competencias que lle atribúe o Decreto 5/1987, do 14 de xaneiro, e demais normativa vixente.

Dependerán orgánica e funcionalmente do Vicepresidente da Igualdade e do Benestar, sen prexuízo das directrices funcionais que se diten polos distintos centros directivos da vicepresidencia ou do organismo autónomo adscrito a ela.

Por outra banda, e ao marxe da propia estrutura orgánica, cómpre sinalar que a Vicepresidencia da Igualdade e do Benestar forma parte, cunha participación maioritaria, do Consorcio Galego de Servizos de Igualdade e Benestar; entidade de dereito público, de carácter interadministrativo, constituída pola Administración da Comunidade Autónoma de Galicia, a través da propia Vicepresidencia da Igualdade e do Benestar, e diversos concellos galegos.

De acordo aos fins que, de conformidade cos seus Estatutos, lle son encomendados, corresponderá ao consorcio, con carácter xeral, o exercicio, entre outras, das competencias relativas ao estudo das necesidades básicas en materia de servizos sociais en todos os municipios consorciados e a elaboración de cantos plans e programas se estimen oportunos para a satisfacción de tales necesidades; a formación do persoal; o establecemento de directrices xerais de cara á prestación dos servizos sociais por parte dos concellos integrantes do consorcio; a determinación e/ou execución, en colaboración cos concellos, das obras de construción, mellora, reforma ou adaptación de instalacións necesarias para a prestación dos servizos e a coordinación e a colaboración con outras administracións en todo o relativo á finalidade principal do consorcio.

7. O Servizo Galego de Promoción da Igualdade do Home e da Muller é un organismo autónomo dependente da Vicepresidencia da Igualdade e do Benestar. Ten delimitadas as súas competencias na Lei 3/1991, do 14 de xaneiro, pola que se crea dito organismo.

Así, o Artigo 2 da Lei 3/1991, establece como obxectivo principal do Servizo Galego de Promoción da Igualdade do Home e da Muller o impulso e coordinación das medidas encamiñadas á consecución da igualdade efectiva entre as mulleres e os homes, removendo os obstáculos que impidan a participación e a integración da muller na vida social, cultural, educativa, económica e política de Galicia.

O traspaso de funcións e servizos nesta área fíxose a través do Real decreto 2834/1983, do 5 de

outubro, sobre traspaso de funcións e servizos da Administración do Estado á Comunidade Autónoma de Galicia en materia de protección á muller.

Polo Real decreto 91/1996, do 26 de xaneiro, sobre ampliación de medios adscritos aos servizos da Administración do Estado traspasados á comunidade autónoma polo Real decreto 2834/1983, en materia de protección á muller, apróbase o acordo da Comisión Mixta de Transferencias, sobre o Centro de Información dos Dereitos da Muller situado na Coruña.

No Decreto 312/1999, do 11 de novembro, polo que se refunde a normativa existente en materia de muller, recóllese a estrutura orgánica e funcional do organismo, os distintos órganos do mesmo e as súas funcións, así como os órganos colexiados existentes en materia de muller.

O Decreto 249/2002, do 18 de xullo, polo que se modifica o Decreto 312/1999, do 11 de novembro, polo que se refunde a normativa existente en materia de muller, baseándose na necesidade de reforzar a estrutura orgánica do organismo autónomo distribuindo as funcións dun xeito máis racional, crea unha nova unidade co nivel de servizo, e estrutura os servizos periféricos a través das delegacións provinciais que dependen directamente da dirección do organismo.

No Decreto 517/2005, do 6 de outubro, polo que se establece a estrutura orgánica da Vicepresidencia da Igualdade e do Benestar, adscribese o organismo á Secretaría Xeral da Igualdade, e concrétanse, no que atinxe ao organismo, o exercicio das competencias que realizarán as delegacións provinciais e as que se atribúen á Secretaría Xeral da Igualdade.

2. OBXECTIVOS E LIÑAS DE ACCIÓN PARA O ANO 2009

2.1 DA VICEPRESIDENCIA DA IGUALDADE E DO BENESTAR

1. Ámbito de relacións institucionais.

En materia de relacións institucionais establécense as seguintes liñas de actuación:

1. Desenvolvemento institucional: no marco do documento do goberno galego aprobado no Consello de 3 de novembro de 2005 (informe sobre 70 competencias), procederase a avanzar na asunción pola Xunta de Galicia de novas cotas de autogoberno, ampliando o marco competencial con novas transferencias. Continuaranse os traballos dirixidos a mellorar os mecanismos de cooperación coa Administración Xeral do Estado e, en particular, no seo da Comisión Bilateral de Cooperación.
2. Análise institucional: establécese como obxectivo a elaboración de estudos e informes técnicos sobre a situación actual das transferencias de competencias, a súa evolución e perspectivas, o impacto

social da reforma estatutaria, e sobre a seguridade xurídica e os conflitos competenciais, entre outros. Contemplese a posibilidade de publicar e difundir estes traballos. Continuaranse desenvolvendo as funcións do “Observatorio Legal do Estado e doutras CCAA”.

3. Rexistro de Convenios: actualización e perfeccionamento da base de datos do rexistro de convenios da Xunta de Galicia, creado ao abeiro do Decreto 126/2006, do 20 de xullo (DOG do 3 de agosto), polo que se regula o rexistro de convenios da Xunta de Galicia.
4. Continuarase coa legalización de documentos que deban surtir efectos no estranxeiro, de conformidade co disposto no Decreto 230/2002, de 4 de xullo, polo que se regula o procedemento de legalización de documentos da comunidade autónoma.

2. Ámbito da familia e a infancia.

1. Diseñar, promover e desenvolver políticas públicas de apoio ás familias que contribúan ao seu benestar, de xeito que se garantan a súa protección económica e social, a igualdade de oportunidades para os seus membros, ao tempo que promovan a igualdade de xénero e a solidariedade interxeracional, a través do IV Plan Integral de Apoio ás Familias Galegas.
2. Potenciar a formación de axentes de políticas de convivencia e política familiar, de xeito que se cree un marco adecuado de convivencia no seo da unidade familiar mediante a mediación, a educación familiar e a prevención da violencia de xénero.
3. Potenciar a visualización da infancia na súa dimensión social. Promover a adecuación á infancia dos espazos de lecer, culturais e sociais en xeral, pensados en función dos adultos, mediante o desenvolvemento do Plan Galecer.
4. Mellorar e estender os servizos educativos e de apoio á infancia, con especial atención a rede de Galescolas, asumindo o carácter da etapa infantil como unha etapa educativa vital, garantindo unha adecuada distribución territorial, que permita un adecuado equilibrio entre o rural e o urbano na prestación de servizos, e un alto nivel de calidade mediante o desenvolvemento do Plan de Calidade e Mellora Pedagóxica na Educación Infantil 0-3.
5. Impulsar políticas que promovan a corresponsabilidade na vida laboral e familiar.
6. Proporcionar un marco social adecuado para facilitar a libre elección na formación de núcleos familiares e na opción pola descendencia, mediante a inclusión na avaliación, deseño e xestión das políticas públicas sociais dunha perspectiva de incidencia familiar.
7. Potenciar os medios, axudas e servizos que atendan a familias en situación de risco social ou de especial debilidade.
8. Promover o establecemento de servizos complementarios de apoio ao coidado dos nenos e nenas.

9. Promover a adopción de medidas normativas no ámbito laboral, fiscal e de seguridade social que contemplen as diversas circunstancias familiares.
10. Coordinar as distintas actuacións na atención á infancia de todas as áreas administrativas implicadas, garantindo a plena operatividade do principio de transversalidade e corresponsabilidade.
11. Apoiar e fomentar a colaboración de todos os sectores e, en particular, das corporacións locais e do terceiro sector ONGs, na garantía dos dereitos dos nenos e nenas.
12. Promover medidas que favorezan a conciliación da vida persoal, familiar e laboral implicando aos sectores sociais e coordinando a iniciativa pública e privada na creación dos recursos axeitados a este fin

3. Ámbito da promoción da igualdade.

1. Diseñar políticas de igualdade de xeito transversal, implicando ás distintas consellerías no traballo pola igualdade, a través do V Plan para a igualdade de mulleres e homes 2007/2010.
2. Investigación e análise da realidade das mulleres galegas na sociedade galega actual.
3. Deseño e realización de campañas informativas e formativas de fomento da igualdade de oportunidades co obxectivo de garantir o acceso en igualdade da diversidade das mulleres á información e aos recursos.
4. Promover a participación e o empoderamento das mulleres en todos os ámbitos da vida pública.
5. Desenvolvemento do Plan de fomento da corresponsabilidade no ámbito empresarial e da administración.
6. Promover medidas de conciliación e fomentar o uso corresponsable das mesmas.

4. Ámbito do tratamento da violencia.

1. Realizar campañas de prevención e sensibilización sobre a violencia de xénero.
2. Coordinación dos recursos existentes na loita contra a violencia de xénero.
3. Desenvolvemento das distintas medidas articuladas na Lei 11/2007, do 27 de xullo, galega para a prevención e o tratamento integral da violencia de xénero.
4. Mellorar a coordinación entre forzas e corpos de seguridade, xuíces, fiscais e Administración autonómica para facer fronte ao fenómeno da violencia de xénero.
5. Establecemento das funcións e o réxime de funcionamento do Observatorio Galego da violencia de xénero.

6. Posta en funcionamento do Centro de Recuperación Integral para Mulleres que Sofren Violencia de Xénero.

5. Ámbito da promoción da autonomía personal e atención a dependencia.

Especial relevancia adquiren neste orzamento as políticas de promoción da autonomía personal e de atención ás persoas en situación de dependencia ampliando, a partir do próximo 1 de xaneiro, o nivel de protección existente na actualidade coa atención de 11.800 novos dependentes correspondentes ao nivel 1 do Grao II (Dependencia severa) que amplía os niveis de protección 1 e 2 do Grao III (Grande dependencia) e nivel 2 do Grao II establecidos na actualidade.

A este fin, se establecen os seguintes obxectivos:

1. Reforzo dos medios materiais e humanos prezos para a valoración das situacións de dependencia así como para a xestión e asignación dos servizos e prestacións correspondentes.
2. Reforzo das políticas de prevención da dependencia así como as de promoción da autonomía personal.
3. Elaboración e desenvolvemento de políticas sociais que redunden na mellora dos sistemas de protección social para persoas con dependencia.
4. Implantación de novos programas e servizos e consolidación dos xa existentes e que teñen acreditada a súa valía como instrumentos de integración social e de mellora da calidade de vida dos colectivos implicados.
5. Fomento e impulso das accións de atención a persoas dependentes e de apoio ós seus coidadores contemplando medidas de mantemento no seu contorno e incrementando a carteira de servizos disponibles.
6. Fomentar a aplicación das nosas tecnoloxías para atención das persoas dependentes procurando unha mellora na súa calidade de vida.
7. Efectivizar as anteriores coberturas.
8. Xestionarase todo o orzamento adicado a atender as necesidades das persoas dependentes que pasan polo financiamento dos centros residenciais de persoas maiores e persoas con discapacidade.
9. Incrementar os recursos de axuda no fogar para persoas dependentes, centros de día e demais prestacións que forman a libranza da dependencia.

6. Ámbito do menor.

A promoción e defensa dos dereitos da infancia, así como cantas actuacións de prevención en situacións de risco ou de desamparo lles poidan afectar, é a liña a seguir en canto á implantación, desenvolvemento,

seguimento e avaliación dos programas que se dirixen aos menores. Esta garantía de dereitos tamén abrangue aos menores infractores, aos que se lles aplica a Lei orgánica 5/2000, do 12 de xaneiro, reguladora da responsabilidade penal dos menores, que contempla a esixencia de responsabilidade aos que cometen feitos delictivos e que aínda non alcanzaron a maioría de idade penal; está fundamentada en principios orientados cara á reeducación dos menores de idade en base as súas circunstancias persoais, familiares e sociais que se teñen especialmente en conta á hora de realizar programas e de impoñer as medidas xudiciais polos xulgados.

Tendo en conta o antedito, establécense como obxectivos básicos os seguintes:

1. Sensibilizar á sociedade galega sobre o coñecemento e a participación con roles activos no relativo aos dereitos dos nenos, co fin de garantir a aplicación de toda a normativa reguladora neste ámbito.
2. Impulsar todas as actuacións que se poidan requirir tanto das administracións públicas como das entidades sociais para asegurar o efectivo acceso aos seus dereitos, así como para garantir o paulatino incremento da calidade de vida de todos os nenos e nenas galegos, con especial incidencia na loita contra o maltrato e a explotación infantil.
3. Promover todas as actuacións necesarias de carácter preventivo, sobre todo as de nivel primario, como forma de acadar que o menor permaneza no seu contorno.
4. Asegurar a protección do neno/a ante situacións de desamparo.
5. Priorizar ante estas situacións, tal e como establece a lexislación vixente, aquelas medidas que, mediante o apoio á familia de orixe, incrementen as posibilidades de permanencia dos menores no seu fogar.
6. Potenciar a integración do menor en familia, xa sexa biolóxica, extensa, allea, acollidora ou adoptiva, xa que é sempre, e por dereito, o contexto natural de crecemento para a infancia.
7. Proporcionar información, formación e apoio aos menores próximos a súa maioría de idade, co fin de que poidan conseguir unha inserción socio-laboral plena, facilitando o desenvolvemento da súa independencia.
8. Executar as medidas xudiciais orientadas sempre á integración social e familiar dos menores.
9. Implantar programas e actuacións que coordinadas coas de outros departamentos e administracións, favorezan a diminución da delincuencia xuvenil en Galiza.
10. Responsabilizar aos menores en conflito social a través da aplicación de medidas educativas e socializadoras que se poidan desenvolver tanto no entorno natural do menor como nun centro de menores axeitado ao réxime acordado polo xuíz de menores.

11. Desenvolver novas infraestruturas especializadas para a atención de menores.
12. Integrar a todos os menores protexidos e aos profesionais na sociedade da información, con programas de formación e implantación de calidade nos servizos.

7. Ámbito do maior e persoas con discapacidade.

En materia do maior e persoas con discapacidade cobra especial importancia nestes orzamentos o esforzo para a atención das persoas en situación de gran dependencia nos niveis 1 e 2 e dependencia severa nivel 2 e establécense os seguintes obxectivos:

1. Elaboración e desenvolvemento de políticas sociais que redunden na mellora dos sistemas de protección social para persoas maiores e con discapacidade.
2. Implantación de novos programas e servizos e consolidación dos xa existentes e que teñen acreditada a súa valía como instrumentos de integración social e de mellora da calidade de vida dos colectivos implicados.
3. É necesario que o estado de benestar chegue realmente aos maiores, que as persoas de idade envellezan con seguridade e dignidade e que poidan continuar participando na sociedade como cidadáns con plenos dereitos, é dicir, mellorar a súa calidade de vida. Desde esta perspectiva, na área de maiores, os obxectivos que se destaca no marco destes orzamentos son:
 - a) Crear e fortalecer os servizos que posibilitan e favorecen a permanencia da persoa maior no contorno familiar e social, onde desenvolve a súa vida. Prestar especial atención aos maiores sós ou que viven en áreas rurais diseminadas.
 - b) Desenvolver políticas de avellentamento activo que tomen como referente a capacidade das persoas maiores para facer aportes á sociedade non só para o seu benestar, senón para perfeccionar a sociedade no seu conxunto. A poboación que envellece debe ser aproveitada como base do desenvolvemento futuro.
 - c) Adicar un esforzo especial ás persoas maiores máis vulnerables, as persoas máis dependentes.

Estas accións insírense no obxectivo fundamental de acadar unha sociedade cohesionada e solidaria, que respecte e protexa a diferenza, priorizando a atención á dependencia tanto desde unha perspectiva preventiva como asistencial, sen esquecer o apoio ás familias coidadoras.

As actuacións a desenvolver son as seguintes:

1. Incremento do número de prazas residenciais de titularidade pública mediante a creación de centros propios ou a través de concertos con entidades prestadoras de servizos sociais, así como o mantemento dos recursos existentes.

2. Posta en marcha da Rede Pública Galega de Centros de Día de atención ás Persoas con Alzheimer e outras demencias neurodexenerativas.
3. Impulso dos órganos colexiados de participación: Consello Galego de Persoas Maiores, Consello Galego de Persoas con Discapacidade, Consello Galego para a promoción da accesibilidade e a supresión de barreiras.
4. Posta en marcha do Plan de Acción Galego para Persoas con Discapacidade.
5. Programa de novas tecnoloxías: instalación de dispositivos de localización de persoas con demencia leve ou moderada e instalación de detectores de movemento en fogares de persoas maiores.
6. Programa de axudas a cuidadores habituais de persoas en situación de dependencia.
7. Programa de medidas de apoio orientado ás persoas dependentes usuarias de asistente persoal.
8. Programas de prevención da dependencia.
9. Actuacións de avellentamento activo que abarcarían os catro grupos de programas, lecer e relación social; educación para a saúde, autocoidado, alimentación sá e coidado físico; formación e novas tecnoloxías e diálogo entre xeracións, solidariedade e voluntariado. En todos eles potenciarase a actuación do voluntariado tanto activo como pasivo, a relación interxeracional e o asociacionismo das persoas maiores.
10. Creación da Rede Galega de Centros Sociocomunitarios.
11. Accións en favor das persoas en situación de dependencia e de fomento da súa autonomía persoal.
12. Establecemento da libranza para a dependencia recoñecida e adaptación do programa cheque asistencial.
13. Desenvolvemento e adaptación do programa cheque asistencial e transformación do mesmo para aplicación á dependencia recoñecida.
14. Promoción da accesibilidade e eliminación de barreiras, con especial incidencia na consolidación e desenvolvemento do Servizo Galego de Apoio a Mobilidade Persoal.
15. Programa de acollemento familiar de persoas maiores e con discapacidade.
16. Implantación do “Conxunto Mínimo Básico de Datos” como sistema de información dos programas e servizos destinados ás persoas maiores e con discapacidade.
17. Elaboración do mapa de necesidades, servizos e equipamentos referido aos colectivos de atención á persoas maiores e persoas con discapacidade.

8. Ámbito dos servizos de atención primaria e inclusión social.

1. Neste eido establécense os seguintes obxectivos:
2. Reforzar de maneira substancial a cobertura e capacidade de resposta da rede de servizos sociais de atención primaria prestada polas corporacións locais de maneira concertada coa Administración autonómica. Desta maneira habilitarase aos concellos para cooperar na implantación do sistema galego de promoción da autonomía persoal e de atención á dependencia e desenvolver as prestacións que, incluídas no catálogo, se incorporen no plan individualizado de atención das persoas beneficiarias.
3. Consolidar e ampliar os dispositivos creados do II Plan Galego de Inclusión Social.
4. Potenciar a investigación e sensibilización na área dos servizos sociais e da exclusión social.
5. Coordinar os servizos sociais de titularidade pública cos que prestan as entidades de iniciativa social sostidas con fondos públicos, coa finalidade de atender de forma coordinada e global ás necesidades, mellorar o rendemento dos recursos dispoñibles, garantir a calidade na prestación dos servizos, evitar os desequilibrios territoriais e estimular a cultura de participación da sociedade e dos propios afectados como elemento esencial na provisión dos servizos sociais.
6. Actualizar as contías da Renda de Integración Social de Galiza e das axudas de emerxencia social.
7. Cubrir necesidades básicas de persoas xubiladas ou incapacitadas sen dereito a pensión de réxime contributivo mediante a tramitación das correspondentes prestacións non contributivas, así como as necesidades sociais emerxentes de persoas en risco de exclusión mediante axudas de pagamento único.

Particularmente as actuacións a desenvolver son as seguintes:

1. Atención das necesidades da rede básica de atención primaria de servizos sociais das corporacións locais e incremento do persoal técnico e auxiliar que presta servizos neste nivel de atención.
2. Consolidación e reforzo da rede de centros de día para atención á dependencia.
3. Consolidación da prestación de novos programas de atención á dependencia de carácter municipal: mellora da axuda no fogar, xantar sobre rodas, transporte adaptado, etc...Darase así mesmo apoio aos concellos na construción de novos equipamentos sociais e na eliminación de barreiras arquitectónicas.
4. Mellorar os sistemas de información dos programas e servizos destinados aos profesionais e usuarios de servizos sociais (Sistema de información de usuarios de servizos sociais –SIUSS-, Manual de traballo, información e asesoramento -MATIASS).

5. Actualizar as contías da RISGA e das AES de acordo cos incrementos do Índice Público de Renda de Efectos Múltiples (IPREM) e das pensións non contributivas (PNC's), bases de cálculo do importe das anteditas prestacións.
6. Impulso normativo para unha nova Renda de Inclusión Social de Galicia.
7. Mellora da inserción social de beneficiarios da RISGA, a través dos dispositivos do II Plan Galego de Inclusión Social.
8. Ampliación do programa de acollida e acompañamento a persoas sen fogar.
9. Consolidación dos 21 equipos de inclusión sociolaboral e creación de sete equipos máis dependentes do Consorcio Galego de Servizos da Igualdade e do Benestar para promover a inserción social e laboral das persoas con maiores dificultades e en situación de pobreza a través de itinerarios integrados de inserción personalizada.
10. Acción concertada para a inclusión de mulleres en áreas rurais de alta dispersión poboacional.
11. Desenvolvemento de actuacións integradas nun plan de inclusión e desenvolvemento da comunidade xitana, que inclúe programas dirixidos ás familias afectadas pola problemática derivada da erradicación do chabolismo.
12. Intervencións preventivas e inclusivas con colectivos de alto risco de exclusión social e pobreza severa (sen teito, barrios de risco social, etc...).
13. Fomentar a implantación de sistemas de xestión da calidade nos distintos ámbitos do Sistema Galego de Servizos Sociais.
14. Apoiar ás entidades prestadoras de servizos sociais mediante axudas que financien proxectos de atención social.
15. Xestionar os instrumentos de cofinanciamento (subvencións, transferencias, etc...) da prestación de servizos sociais polas corporacións locais, dos programas de incorporación social e laboral destinados a persoas en situación ou risco de exclusión social, da prestación de servizos sociais polas asociacións e outras entidades de iniciativa social.

Partindo dos obxectivos anteditos, as grandes liñas de acción da Dirección Xeral de Acción Social para o exercicio orzamentario 2009 van ser as seguintes:

1. Desenvolvemento de medidas dirixidas ao apoio ás familias tanto normalizadas como en situación de risco social, á protección da infancia e dos menores en situación de desprotección ou conflito social e doutros colectivos.

2. Potenciar a inserción socio laboral nos centros de protección de menores a través do programa Mentor.
3. Incremento da prevención primaria dos malos tratos á infancia a través dos instrumentos de información, difusión e sensibilización da sociedade e dos colectivos profesionais e comunitarios, que pola súa actividade son especiais observadores dos nenos e as súas familias e das súas problemáticas.
4. Completar a implantación do Rexistro Unificado de Maltrato Infantil (RUMI) mediante o acceso via internet.
5. Mellora do funcionamento dos programas destinados á integración familiar dos menores.
6. Establecemento dos indicadores básicos do sistema de menores que avaliará o Observatorio Galego da Infancia .
7. Promover accións de investigación sobre problemas emerxentes dos menores.
8. Formación e reciclaxe contínuo de todos os profesionais do ámbito dos servizos sociais, co fin de acadar unha boa atención, eficacia e rendabilidade nas actuacións.
9. Fomento da imprescindible coordinación entre os diversos sectores implicados (sanitario, educativo, xudicial e social) na protección integral dos menores.
10. Ampliación e reestructuración da rede de centros de reeducación de menores.
11. Creación de programas e novos recursos co obxecto de dar resposta ás necesidades que se derivan da aplicación da Lei orgánica 5/2000, de responsabilidade penal xuvenil.
12. Desenvolvemento de actuacións de prevención da dependencia fomentando o envellecemento activo e a participación social.
13. Fomento e impulso das accións de atención a persoas dependentes e de apoio aos seus coidadores contemplando medidas de mantemento no seu contorno así como aloxamentos alternativos e incremento da carteira de servizos dispoñibles.
14. Dinamización e impulso de actividades para persoas con discapacidade en aras de acadar a súa integración sociolaboral.
15. Incremento da rede pública de atención a persoas maiores e persoas con discapacidade mediante a creación e concertación de prazas en centros residenciais e de atención diúrna.
16. Posta en marcha dun novo Plan de Inclusión, no que se combinen as medidas de apoio das políticas de rendas mínimas con políticas activas de prevención e inclusión social adaptadas á realidade galega.

17. Reforzo dos equipamentos e servizos de atención primaria para serviren como porta de entrada ao sistema da dependencia e proporcionar prestacións recollidas no catálogo dos dito sistema.
18. Revisión e mellora da Renda de Integración social de Galicia.
19. Despregue de equipamentos de información e comunicación para favorecer a incorporación dos servizos na Sociedade da información.
20. Implantación do sistema de expediente único.
21. Desenvolvemento de programas de calidade na prestación de servizos nos centros.

9. Ámbito da xuventude e solidariedade.

É o obxectivo último da DXXS en materia de políticas dirixidas á mocidade e promoción da solidariedade, incidir directamente na mellora das condicións de vida das mozas e mozos galegos, establecendo as medidas e oportunidades que faciliten a súa plena implicación nos temas que máis lles afectan.

Deste xeito establécense os seguintes obxectivos específicos:

1. Fomentar a cohesión das políticas en materia de xuventude con todas aquelas de carácter transversal que tamén afecten á mocidade, sempre desde a perspectiva dunha realidade social, cultural e económica propia: a galega.
2. Responder ás demandas e necesidades concretas e reais da mocidade, propiciando a participación directa de mozas e mozos na política xuvenil da DXXS.
3. Fortalecer e estruturar as canles de participación social e de fomento da acción voluntaria a través do impulso de accións de difusión e sensibilización no eido da solidariedade e a participación.
4. Implantar o marco xurídico normativo en materia de acción voluntaria co desenvolvemento da Lei Galega de Acción Voluntaria de Galicia.

Para dar cumprimento aos obxectivos marcados, establécense máis polo miúdo as que serán as grandes liñas de acción para o exercicio orzamentario de 2009:

1. Artellar canles de colaboración con outros departamentos así coma con outras entidades para que se impliquen nas políticas que a Xunta leva a cabo dirixidas á mocidade e se sumen ás iniciativas impulsadas dende o goberno galego para beneficialos/as.
2. Dar unha clara vocación de continuidade á liña de traballo que iniciamos coa elaboración do Estudo sobre a Mocidade Galega, orientada a dispor de aproximacións sociolóxicas periódicas sobre a realidade e a evolución dos elementos característicos que definen a mocidade galega en cada momento.

3. Diseñar as políticas xuvenís e de solidariedade e as estratexias dirixidas á mocidade atendendo ás conclusións extraídas das accións relacionadas no punto anterior, así como do Estudo sociolóxico sobre a mocidade galega realizado en 2007, e dos diferentes encontros e foros nos que participaron unha cota moi elevada de mozas e mozos galegos.
4. Planificar unha política formativa integral, que incida en todos os ámbitos da xuventude (lecer e tempo libre, participación e voluntariado, transicións, etc) mediante o apoio á formación permanente, a capacitación técnica, a investigación e a reflexión e sendo un foro de encontro e intercambio de experiencias, a través da Escola Galega de Xuventude e Acción Voluntaria.
5. Aumentar a calidade dos sistemas de apoio destinados ás actividades de mozos e mozas, e as capacidades das organizacións que traballan no ámbito da xuventude; velando porque todas aquelas persoas que realicen unha intervención con xuventude teñan un nivel e unha cualificación adecuados e a posibilidade de formación continua.
6. Achegar apoio e asesoramento directo e individualizado ao tecido asociativo xuvenil, fomentando a súa vertebración, o seu fortalecemento interno e a implicación en todos os ámbitos da vida social a través de formación específica que cubra as necesidades detectadas e tamén no aspecto económico, a través da liña de axudas a entidades de carácter xuvenil ou prestadoras de servizos á xuventude.
7. Impulso de programas de educación en valores e sensibilización sobre a prevención de condutas de risco, cara ao fomento de hábitos de vida saudable.
8. Desenvolvemento do plan de Normalización lingüística no referente á promoción e traballo cara á inversión da tendencia á desgaleguización da mocidade, en especial nos ámbitos de ocio e convivencia entre iguais.
9. Realización de programas que reforcen e promociónen o coñecemento de Galicia entre a mocidade co obxectivo de dignificar e poñer en valor a nosa xeografía, historia, a nosa cultura.
10. Implementación da normativa en materia de acción voluntaria co fin de adaptala á situación actual da sociedade galega.
11. Desenvolvemento, fortalecemento e optimización do Programa de Voluntariado en Defensa do Monte Galego e doutras medidas en materia de voluntariado ambiental e de emerxencia.
12. Impulso ás medidas de apoio e vertebración do movemento de acción voluntaria en Galicia
13. Promoción da participación cidadá e voluntaria na activación e normalización lingüística cara o coñecemento e uso da cultura e idioma galegos

2.2 DO ORGANISMO AUTÓNOMO

SERVIZO GALEGO DE PROMOCIÓN DA IGUALDADE DO HOME E DA MULLER

O Servizo Galego de Promoción da Igualdade do Home e da Muller, organismo autónomo adscrito á Secretaría Xeral da Igualdade da Vicepresidencia da Igualdade e do Benestar, pretende acadar no presente exercizo os seguintes obxectivos:

1. Desenvolver no ámbito competencial do organismo, as diferentes normas e plans de actuacións definidos polo Goberno Galego no contorno da igualdade de oportunidades entre mulleres e homes.
2. Impulsar, a través do Pleno do Consello do Servizo Galego de Igualdade, e de acordo coas súas competencias transversais, a incorporación do principio de igualdade de oportunidades entre mulleres e homes nos diferentes departamentos do Goberno Galego.
3. Mellorar e optimizar os recursos dos servizos públicos para a atención ás mulleres e, en particular, para aquelas que se atopen en situación de especial vulnerabilidade, en colaboración con concellos, asociacións e outras institucións de ámbito nacional, estatal e internacional.
4. Promover a cooperación e o intercambio de experiencias, para coñecer o traballo que desenvolven a prol das mulleres e da igualdade entre mulleres e homes as entidades en Galicia e noutros territorios.
5. Potenciar a participación da muller en todas as esferas da vida social e laboral e a súa plena incorporación aos procesos de toma de decisións, nas empresas e organizacións, así como crear as condicións favorables para o fomento da participación das mulleres na sociedade, facilitando o acceso aos recursos deste organismo.
6. Promover e realizar actividades de sensibilización da sociedade respecto da igualdade entre homes e mulleres, a non discriminación e, no ámbito escolar, nas actividades promovidas polo Seminario permanente de educación para a igualdade.
7. Promover a prevención e o tratamento integral da violencia exercida contra as mulleres e a atención ás vítimas desta, así como o acceso aos recursos existentes, segundo o previsto na normativa e plans de actuación e lexislación vixente estatal e galega, no ámbito das súas competencias.

Estes obxectivos, inspiradores da lei creadora do organismo, da Lei de igualdade de oportunidades das mulleres galegas, da Lei do traballo en igualdade das mulleres galegas e da Lei de prevención e tratamento integral da violencia de xénero e outras normas e plans de actuación son motor da actuación do organismo no obxectivo básico de promover a igualdade entre as mulleres e os homes.

Partindo destes obxectivos, as grandes liñas de acción do Servizo Galego de Igualdade para o exercicio orzamentario do 2009 van ser as seguintes:

1. Combater a discriminación por razón de sexo, visibilizándoa, adoptando medidas concretas para a súa eliminación e implicando, nesta tarefa, a todos os sectores sociais.
2. Promover actuacións públicas orientadas a intensificar a presenza e a participación das mulleres en todos os ámbitos da vida política, cultural, económica, social e laboral, tendo en conta a súa diversidade. Apoiando a súa mellor capacitación así como outras medidas que melloren o emprego e autoemprego feminino, promovendo a corresponsabilidade nas tarefas domésticas e familiares dos homes, das administracións e das empresas.
3. Ofrecer información, orientación e atención integral ás mulleres galegas individual e colectivamente en todos os ámbitos, a través dos Centros de información ás mulleres, os Puntos de información ás mulleres e o Teléfono da Muller 24 horas.
4. Establecer programas propios e colaborar nos doutras entidades e Administracións para garantir a recuperación integral das vítimas de violencia de xénero, atendendo ás súas necesidades económicas, de acceso ao traballo asalariado e de atención especializada.
5. Promover a participación cidadá na loita contra a violéncia de xénero a traves de acordos con distintos sectores sociais e de programas de voluntariado.
6. Impulsar a autonomía das mulleres promovendo as súas potencialidades, enerxías e achegas, con medidas orientadas a favorecer a participación feminina no deseño, implementación, seguimento e avaliación das políticas e incorporar a perspectiva de xénero nas decisións do goberno galego.
7. Promover unha imaxe realista e diversa das mulleres en colaboración cos medios de comunicación, o recoñecemento das súas aportacións á historia do noso país e o recoñecemento das figuras sobranceiras de mulleres galegas de todos os tempos.

3. ORZAMENTO DE GASTOS PARA O ANO 2009

3.1 DISTRIBUCIÓN FUNCIONAL. PROGRAMAS DE GASTO

3.1.1 Da Vicepresidencia

PROGRAMA 311A. DIRECCIÓN E SERVIZOS XERAIS DE PROMOCIÓN SOCIAL

1. Descrición

A finalidade do programa é o funcionamento e a coordinación dos servizos centrais e periféricos (delegacións provinciais) tanto no que respecta a medios humanos coma aos materiais e de organización,

e actuando de soporte básico para a execución do resto dos programas da vicepresidencia, coa finalidade de acadar maiores cotas de efectividade e racionalidade administrativa.

1. Inicio das negociacións sobre a transferencia de novas competencias co Goberno do Estado, naquelas materias nas que a nosa comunidade ten un especial interese, buscando sempre o beneficio e interese xeral.
2. Fomento e mellora das relacións coa Administración Xeral do Estado, a través da Comisión Bilateral de Cooperación do Estado e a Comunidade Autónoma Galega, promovendo, tratando de acudir a esta comisión de xeito mais regular e para outros asuntos de especial interese para ambas partes.
3. Mellora das técnicas de estudo empregadas no “Observatorio legal do Estado e doutras CCAA”, co fin de realizar un seguimento axeitado da normativa estatal principalmente, e das restantes comunidades autónomas. Dado que a súa posta en marcha é relativamente recente, cómpre ter ao noso alcance documentación e estudos especializados de apoio a esta labor.
4. Actualización e perfeccionamento do rexistro de convenios para facilitar o acceso ao mesmo por parte das persoas interesadas.
5. Desenvolver accións de fomento dos estudos e a sensibilización sobre os temas de promoción da igualdade e de violencia de xénero.
6. Realización de estudos, traballos técnicos e campañas informativas sobre temas xerais da Secretaría Xeral da Igualdade.
7. Sostemento da Rede de Galescolas.
8. Fomento da corresponsabilidade, mediante programas, servizos e accións de sensibilización.

En programas de atención social a diversos colectivos trátase de acadar:

1. Unha cobertura asistencial que acolla aos diferentes colectivos que teñan una problemática especial.
2. Desenvolvemento de programas de prevención e integración dirixidos aos menores en desprotección ou conflito social e outros colectivos, segundo as prioridades do Plan estratéxico galego de infancia e adolescencia 2007-2010.
3. Unha cobertura asistencial que acolla aos diferentes colectivos que teñen unha problemática específica, consolidando e aumentando os recursos sociais adicados ás persoas maiores e ás persoas con discapacidade e garantindo os niveis de calidade axeitados.
4. Facilitar a integración mediante a implantación de programas propios destinados a atender a dependencia nas persoas maiores, persoas con demencia e con discapacidade así como o apoio aos seus coidadores.

5. Facilitar a inserción social de persoas con discapacidade mediante a creación de novas prazas en centros ocupacionais, asistenciais, residenciais, vivendas comunitarias, apartamentos tutelados, así como coa aplicación de novas tecnoloxías para a atención das persoas maiores e persoas con demencias.
6. Fomentar a aplicación das novas tecnoloxías para a atención das persoas dependentes procurando unha mellora na súa calidade de vida.
7. Promover o avellentamento activo das persoas maiores e o desenvolvemento dos programas establecidos.

2. Actividades

1. Xestión de gastos de persoal e de funcionamento dos servizos centrais e periféricos: reparacións, material de oficina, comunicacións telefónicas, comisións de servizos, etc.
2. Xestión das distintas subministracións incluídas no programa, tanto a nivel central como periférico, coa realización das diferentes tarefas de xestión económico- administrativa.
3. Celebración de cursos de formación, xornadas e seminarios sobre servizos sociais para o persoal que traballa neste eido ou colectivos que desenvolvan a súa actividade no mundo social.
4. Tramitación de investimentos novos e de reposición para os servizos centrais e periféricos da Vicepresidencia como a realización de obras de reparación, mellora e acondicionamento dos distintos centros.
5. Realización de estudos, traballos técnicos e campañas informativas en temas xerais da Vicepresidencia e demais actividades de apoio que lle sexan encomendadas.
6. Coordinación dos servizos e centros administrativos dependentes da Vicepresidencia, así como do SXPA.
7. Posta en marcha de programas e servizos de nova creación en materia formativa e comunitaria.
8. Mantemento dos centros dependentes da Vicepresidencia.
9. Aumento da oferta de servizos coa dinamización dos centros.
10. Equipamento de centros.
11. Execución das obras de construción de centros residenciais públicos para persoas maiores, dependentes da Vicepresidencia.

12. Promoción e defensa da identidade de Galicia dentro e fóra da comunidade autónoma, mediante campañas publicitarias no ámbito das relacións institucionais.
13. Participación en actos conmemorativos e actividades de interese especial en representación da Comunidade Autónoma de Galicia.
14. Representación da comunidade autónoma naqueles actos, reunións e xornadas programadas pola Administración Xeral do Estado ou polo goberno do Estado ou doutras comunidades autónomas.
15. Participación en actividades de interese da Secretaría Xeral de Relacións Institucionais organizadas por outras institucións, universidades (autonómicas, estatais ou estranxeiras) e demais entidades, asociacións ou fundacións de interese.
16. Sinatura de convenios con universidades galegas e outras institucións para a realización de actividades de interese para o cumprimento dos obxectivos da Secretaría Xeral de Relacións Institucionais.
17. Realización de estudos en materia de relacións institucionais (traspasos, novas competencias para Galicia, reforma do Estatuto de autonomía, conflictividade constitucional, entre outros).
18. Realización de estudos en materias correspondentes ao “Observatorio legal do estado e das CCAA”, para o apoio do labor de seguimento legal.
19. Realización de traballos de investigación en materia de relacións institucionais (evolución histórica das formas de Estado, a organización territorial do Estado no dereito comparado, financiamento das CCAA, entre outras).
20. Organización de xornadas e cursos, facilitando a participación doutras CCAA para o estudo e debate en diferentes perspectivas das relacións institucionais.
21. Rexistro de convenios: para atender ao obxectivo descrito faise necesaria a actualización do programa de xestión de datos, en concreto da parte externa do mesmo, co fin de implementar o módulo de busca a dispor da cidadanía despregando máis posibilidades de busca avanzada. Asemade está previsto desenvolver, no marco da nova páxina web da Vicepresidencia, un portal do rexistro de convenios no que se ofrezca unha máis completa información sobre informes e estatísticas elaboradas con datos do rexistro, a normativa e procedemento vixentes en rexistro de convenios e máis un buzón para suxerencias e de petición electrónica de copias de convenios.
22. Campañas e estudos enfocados ao campo da promoción da igualdade e a prevención da violencia de xénero.
23. Cursos de formación, seminarios, xornadas sobre temas de competencia da Secretaría Xeral da Igualdade.

24. Desenvolvemento das accións previstas no Plan de Calidade e Mellora Pedagóxica da Educación Infantil 0-3 anos.
25. Accións previstas no Plan de Fomento da Corresponsabilidade.
26. Potenciar os programas que supoñan unha alternativa ao internamento dos nenos en centros mediante a súa integración en familia propia ou allea, a súa reinserción sociolaboral ou outras medidas complementarias que teñan esta mesma finalidade.
27. Execución das medidas de carácter asistencial, educativo ou terapéutico que resulten aconsellables atendendo ás circunstancias do menor.
28. Realización de programas dirixidos á atención e prevención de situacións de risco ou maltrato infantil.
29. Fomento de creación de centros para a atención integral de persoas con discapacidade.
30. Consolidar e aumentar a oferta pública de servizos sociais a través de concertos/convenios de prazas con entidades prestadoras de servizos sociais.
31. Desenvolvemento dos programas de Dinamización, Atención e Promoción Social de Maiores.
32. Plan de acción para persoas con discapacidade.
33. Programa de novas tecnoloxías aplicadas á asistencia e atención de colectivos de persoas maiores e de persoas con demencias.
34. Programa de turismo social.
35. Programas de respiro.
36. Consolidación e ampliación do Servizo Galego de Apoio á Mobilidade Persoal.

3. Órganos encargados da súa execución

Secretaría Xeral

Secretaría Xeral de Relacións Institucionais

Secretaría Xeral de Igualdade

Dirección Xeral de Acción Social

PROGRAMA 312A. PENSIÓNS E PRESTACIÓNS ASISTENCIAIS

1. Descrición

1. Aportar recursos, axudas e servizos necesarios para garantir a protección económica e social das familias e dos seus membros, especialmente das familias en desvantaxe socioeconómica.
2. Crear a estrutura de recursos, servizos e axudas necesarias para garantir a protección económica e social das familias e dos seus membros, así como garantir os dereitos da infancia.
3. Dotar á sociedade galega dunha rede de escolas infantís 0-3 que garanta unha atención educativa de calidade, a igualdade de oportunidades das familias, o equilibrio na distribución territorial dos recursos e o acceso aos recursos da sociedade da información.
4. Promover un sistema de apoio ás familias en situación de conflito.
5. Facilitar recursos e servizos ás familias en situación de desvantaxe socioeconómica.
6. Establecer axudas económicas para ofertar recursos ás persoas con dependencia recoñecida así como ás persoas maiores e persoas con discapacidade

En materia de Servizos Sociais a finalidade deste programa e a de consolidar e reforzar un sistema prestacional que mellore a igualdade de oportunidades e proporcione aos cidadáns social e economicamente máis vulnerables unha adecuada atención. Ademais estas actuacións acentúan o seu carácter de políticas de activación social, favorecendo a inserción sociolaboral dos colectivos con especiais dificultades de acceso ao mercado de traballo, a normalización das condicións de vida dos segmentos de poboación con menos recursos e a resposta ante necesidades emerxentes e excepcionais.

Para acadar este obxectivo, artículase un sistema de pensións e rendas mínimas, que se combinan con estratexias activas de inclusión.

En consecuencia trátase de proporcionar:

1. Un nivel de servizo asistencial, que chegue aos colectivos de persoas que sofren algún tipo de carencia, marxinación ou desatención selectiva, desenvolvendo unha política de servizos sociais comunitarios centrada nas persoas, promovendo a colaboración activa dos concellos para ampliar e consolidar a cobertura dos programas básicos sociais.
2. A incorporación laboral das persoas afectadas polas diferentes formas de marxinación social, así como de debilitar a causas que incidan na súa exclusión.
3. Garantir os recursos de subsistencia a quen careza deles.
4. Reinsertar social e laboralmente ás persoas afectadas polas diferentes formas de marxinación social.
5. Facilitar a integración social das persoas maiores.
6. Colaborar na cobertura das necesidades derivadas do envellecemento e da discapacidade.

2. Actividades

1. Desenvolver actuacións previstas no IV Plan Integral de Apoio ás Familias.
2. Programa de Educadores Familiares.
3. Programa de mediación familiar gratuíta (Mediagal).
4. Programa de extensión, mantemento e mellora dos puntos de encontro familiar.
5. Convocatoria de subvencións públicas en réxime de concorrència competitiva de apoio a familias monoparentais.
6. Xestión das Residencias de Tempo Libre de titularidade autonómica.
7. Elaboración de disposicións normativas das distintas liñas de axuda dentro do marco competencial da comunidade autónoma galega.
8. Xestión, control e seguimento das pensións non contributivas de competencia normativa estatal.
9. Xestión, control e seguimento das pensións asistenciais (LISMI e FAS) para maiores de 65 anos e persoas discapacitadas.
10. Desenvolvemento regulamentario, xestión, control e seguimento da Renda de Integración social de Galicia e das Axudas de Emerxencia Social.
11. Impulso para a posta en marcha dunha nova Lei de Renda Galega de Inclusión Social, mellorando a súa potencialidade como mecanismo para o estímulo da inserción e garantía universal de recursos mínimos.
12. Revisión normativa das contías das axudas de emerxencia social.
13. Convocatoria de subvencións públicas en réxime de concorrència competitiva.

3. Órganos encargados da súa execución

Secretaría Xeral da Igualdade

Dirección Xeral de Acción Social

PROGRAMA 312B. SERVIZOS SOCIAIS DE PRESTACIÓNS ÁS FAMILIAS E Á INFANCIA

1. Descrición

As necesidades derivadas do mantemento e das novas situacións emerxentes no ámbito da infancia e adolescencia en situacións de risco ou conflitividade social en Galicia implican o desenvolvemento de

programas e actuacións para a modernización do sistema de protección e intervención con menores. Neste eido faise necesario como elementos fundamentais a creación de novos instrumentos de xestión e administración que melloren a calidade das intervencións en todos os seus niveis asistenciais.

Os principais obxectivos neste programa son:

1. Desenvolver novas infraestructuras especializadas e incorporar todo o sistema de protección de menores na sociedade da información, despregando novos programas de formación e calidade nos servizos que contribúan a favorecer a inclusión social e laboral dos menores.
2. Creación de novos recursos en educación infantil 0-3 anos.
3. Dotar ás familias do rural de medios de atención especializada na atención preescolar dos nenos e nenas.
4. Apoiar a creación de servizos de conciliación nas empresas.
5. Poñer a disposición das familias axudas económicas de apoio por nacemento e crianza das fillas e fillos.
6. 2. Actividades
7. Programa de construción e equipamento dos centros de atención a menores.
8. Potenciar os programas que supoñan unha alternativa ao internamento dos nenos en centros mediante a súa integración en familia propia ou allea, a súa reinserción socio-laboral ou outras medidas complementarias que teñan esta mesma finalidade.
9. Realización de transferencias para investimento e programas innovadores no ámbito das empresas colaboradoras en materia de menores.
10. Fomentar o desenvolvemento de programas de calidade nos centros de menores.
11. Impulsar o funcionamento do Observatorio Galego da Infancia.
12. Aumento da oferta de servizos coa dinamización dos centros.
13. Equipamento de centros.
14. Execución das medidas de carácter asistencial, educativo ou terapéutico que resulten aconsellables atendendo ás circunstancias do menor.
15. Realización de programas dirixidos á atención e prevención de situacións de risco ou maltrato infantil.
16. Programa de novas tecnoloxías aplicadas á atención de todos os colectivos.

17. Inserción sociolaboral de menores tutelados e con medidas xudiciais dependentes da Administración galega.
18. Aplicación de medidas de innovación tecnolóxica aplicadas á administración de menor.
19. Programa de apoio ás familias mediante exencións fiscais por nacementos de fillos/as durante os tres primeiros anos de vida, así como a compensación equivalente para as exentas de declaración e apoio ás familias.
20. Desenvolvemento de recursos de atención á infancia en zonas rurais mediante o programa “Preescolar na casa”.
21. Programa de creación de novas Galescolas.
22. Programa de mantemento de centros de educación infantil 0-3 de titularidade de entidades de iniciativa social.

3. Órganos encargados da súa execución

Secretaría Xeral da Igualdade

Dirección Xeral de Acción Social

PROGRAMA 312D. SERVIZOS SOCIAIS DE ATENCIÓN AS PERSOAS EN SITUACION DE DEPENDENCIA

1. Descrición

As finalidades deste programa son as de promover os máximos niveis de autonomía na persoa e procurar as mais altas cotas de benestar nas persoas en situación de dependencia, contribuíndo ao desenvolvemento das habilidades da vida diaria dos individuos na comunidade.

A atención ás persoas en situación de dependencia levase a cabo dunha banda polas administracións autonómicas e locais tanto directamente como a través do Consorcio Galego de Servizos de Igualdade e Benestar e doutra directamente coa persoa impulsando a prestación denominada libranza da dependencia co obxecto de acadar a calidade de vida que por dereito lle corresponde.

Constátase a necesidade de incrementar a dotación de recursos residenciais e diúrnos especializados para persoas en situación de dependencia, para promover a súa autonomía persoal e ofrecerlles o apoio necesario, para a promoción dos seus dereitos..

2. Actividades

1. Consolidación e reforzo da rede pública de centros residenciais e de centros de día para a atención á dependencia
2. Impulsar a Rede Pública Galega de Centros de Día de atención ás persoas con Alzheimer e outras demencias neurodegenerativas
3. Desenvolvemento en colaboración coas corporacións locais dun programa de Axuda no Fogar equilibrado e sustentable orientado ás persoas en situación de dependencia recoñecida.
4. Consolidación da prestación de libranza da dependencia a través das súas tres modalidades: coidador familiar, prestación vinculada e asistente personal

3. Órgano encargado da súa execución

Dirección Xeral de Acción Social

PROGRAMA 312E. SERVIZOS SOCIAIS DE ATENCIÓN ÁS PERSOAS CON DISCAPACIDADE

1. Descrición

A finalidade deste programa é a de facilitar a todos os cidadáns unha axeitada cota de benestar, avaliando as problemáticas sociais e contribuíndo ao desenvolvemento dos individuos e dos grupos na comunidade.

A atención ás persoas con discapacidade levase a cabo tanto directamente pola administración como a través de entidades alleas, preferentemente entidades de iniciativa social, co obxecto de acadar a calidade de vida que por dereito lle corresponde.

Constátase a necesidade de construír, ampliar, reformar, rehabilitar ou equipar centros de atención residenciais e diúrnos especializados para persoas con discapacidade para ofrecerlles o apoio necesario para a promoción dos dereitos das devanditas persoas, en referencia a súa integración social e familiar e baixo os criterios de normalización.

Os obxectivos básicos son os seguintes:

1. Promover a inserción social e laboral das persoas con maiores niveis de discapacidade e dificultades de autovalemento e atender as súas necesidades sociais e residenciais.
2. Proporcionar orientación, información, asesoramento, preformación e acompañamento social ás persoas con discapacidade.
3. Desenvolver programas integrais que promovan a integración sociolaboral de persoas con discapacidade.

4. Impulsar a coordinación e a colaboración cos axentes sociais, institucións e administracións que traballan no eido da discapacidade.
5. Fomentar a sensibilización e a mobilización social a prol da integración das persoas con discapacidade.
6. Promover a construción, reforma ou equipamento de centros residenciais e diúrnos especializados para persoas maiores, con discapacidade.
7. Promover a eliminación de barreiras (incluíndo actuacións específicas de eliminación de barreiras para persoas xordas, e nos concellos).

2. Actividades

1. Desenvolvemento de mecanismos de colaboración con institucións e administracións en materia de atención a persoas con discapacidade.
2. Construción e mellora de centros (proprios ou de entidades de iniciativa social de atención ás persoas con discapacidade, tanto de carácter diurno como residencial.
3. Eliminación de barreiras.
4. Colaboración no mantemento de prazas con entidades de iniciativa social para atención directa a persoas con discapacidade.
5. Colaboración no mantemento e desenvolvemento do tecido asociativo a través das diferentes federacións e entidades de ámbito autonómico que traballan no eido da discapacidade
6. Fomento de estruturas de apoio para desenvolver accións de orientación, asesoramento socioprofesional, preformación laboral, intermediación, acompañamento e atención social.
7. Desenvolvemento dun plan integral de atención ás persoas con discapacidade.
8. Programas para a atención de colectivos específicos (discapacidades física, intelectual ou sensorial)
9. Proxecto piloto adicado ás persoas con discapacidade usuarias de asistente persoal.
10. Actuacións para investimento e mantemento en centros de atención a persoas con discapacidade, tanto propios como en colaboración con entidades de iniciativa social e outras administracións.
11. Desenvolvemento de mecanismos de colaboración con institucións e administracións en materia de atención a persoas con discapacidade.

3. Órgano encargado da súa execución

Dirección Xeral de Acción Social

PROGRAMA 312F. PROGRAMAS DE SOLIDARIEDADE

1. Descrición

A finalidade deste programa é a de impulsar mecanismos de cohesión social, incidindo con políticas preventivas e de acción positiva nos colectivos afectados por problemáticas de exclusión e marxinación.

En consecuencia trátase de:

1. Desenvolver e apoiar programas de base comunitaria que contribúan a acadar maiores cotas de cohesión social.
2. Consolidar o II Plan de Inclusión social, implicando ás corporacións locais e o Consorcio Galego da Igualdade e do Benestar.
3. Impulsar a solidariedade organizada da base social mediante a consolidación e mellora dunha rede de entidades colaboradoras de iniciativa social.
4. Establecer programas especiais de actuación con colectivos específicos de difícil inserción.
5. A solidariedade constitúe unha expresión da cidadanía activa que require simplemente dun axeitado marco organizativo. Neste senso, estase actualizando a normativa en materia de voluntariado para adaptala aos importantes cambios producidos na sociedade galega, que foi protagonista directa de novas vías de participación cidadá. Este programa orzamentario persegue desenvolver e apoiar programas de base comunitaria que contribúan a acadar maiores cotas de cohesión social, impulsar a solidariedade organizada da base social mediante a consolidación e mellora dunha rede de entidades colaboradoras de iniciativa social e establecer programas especiais de actuación con colectivos específicos de difícil inserción.
6. Atendendo ás liñas de actuación marcadas no II Plano Galego do Voluntariado de Galicia estase a traballar na normativa en materia de voluntariado para adaptala aos importantes cambios producidos na sociedade galega.
7. Outro aspecto importante que contempla o Plan é o da formación das persoas voluntarias e os responsables das entidades de acción voluntaria, facilitándolles programas formativos que axuden a un mellor desenvolvemento da súa labor no eido da solidariedade e participación social.
8. Tamén pretendemos impulsar a solidariedade organizada da base social mediante a consolidación e mellora dunha rede de entidades colaboradoras de iniciativa social e establecer programas especiais

de actuación con diversos colectivos específicos que están a desenvolver os seus proxectos no ámbito da comunidade autónoma.

En canto a difusión, información e sensibilización continuarase e profundizarase na implementación de accións, medidas e ferramentas útiles para a xestión e promoción da acción voluntaria en Galicia.

2. Actividades

1. Elaboración e xestión de convocatorias de axudas a entidades de iniciativa social para a prestación de servizos sociais dentro do marco sinalado pola Lei de servizos sociais.
2. Establecemento de convenios de colaboración con entidades especializadas na inserción sociolaboral de colectivos de difícil inserción: drogodependentes, sen fogar, etnia xitana.
3. Desenvolvemento e consolidación do II Plan Galego de Inclusión Social con instrumentos de cooperación interadministrativa e interdepartamental, para a acción positiva en grupos de poboación en risco de exclusión, áreas rurais deprimidas, colectivo de persoas “sen teito”, comunidade xitana, persoas con discapacidade e xoves en risco de conflito social.
4. Actuacións de investigación no eido da exclusión social.
5. Actuacións de formación e sensibilización social sobre a inclusión social e o sistema de servizos sociais.
6. Coordinar os servizos sociais de titularidade pública cos que prestan as entidades de iniciativa social sostidas con fondos públicos, coa finalidade de atender de forma coordinada e global as necesidades, mellorar o rendemento dos recursos dispoñibles, garantindo a calidade na prestación dos servizos mediante a supervisión destes.
7. Execución da normativa de voluntariado.
8. Execución do III Programa de Formación.
9. Achegamento ás entidades a través das novas tecnoloxías (portal web) e das ferramentas para o traballo en rede.
10. Continuación do ciclo “Conversas con...”. Ciclo de conferencias desenvolvidas en distintos puntos da xeografía galega.
11. Convocatoria de axudas a entidades de acción voluntaria para programas de voluntariado que permitirán promocionar e dinamizar os programas axustados á normativa e aos novos conceptos de acción voluntaria.

12. Desenvolvemento do programa “En defensa do monte galego”.
13. Celebración de diversos congresos e foros co obxectivo de contar coa colaboración das entidades de acción voluntaria de Galicia no deseño das futuras liñas de acción en materia de voluntariado e solidariedade.
14. Consolidación da rede de organizacións e persoas interesadas en fomentar o uso da lingua galega, así como de establecer novas relacións coa base de por en práctica valores como a solidariedade e a tolerancia, tendo como obxectivo o intercambio cultural.
15. Edición de diverso material divulgativo.
16. Sinatura de acordos e convenios de colaboración con outros departamentos da Xunta de Galicia, así como con outras entidades e administracións públicas, co obxecto de adquirir un compromiso coa acción voluntaria.

3. Órgano encargado da súa execución

Dirección Xeral de Acción Social

Dirección Xeral de Xuventude e Solidariedade

PROGRAMA 312G. APOIO A CONCILIACIÓN DA VIDA LABORAL E PERSOAL E OUTROS SERVIZOS DE PROTECCIÓN SOCIAL

1. Descrición

1. Promover o cambio de papeis e estereotipos sociais así como a adopción de valores favorables á corresponsabilidade empresarial.
2. Transformar estruturas sociais, familiares, institucionais e por suposto, implicar aos seus protagonistas, mulleres e homes.
3. Fomentar o uso corresponsable das medidas de conciliación.
4. Crear servizos e recursos facilitadores da conciliación.

2. Actividades

1. Plan de fomento da corresponsabilidade.
2. Accións para implementación e desenvolvemento de novas formas de traballo que favorezan a conciliación.
3. Promoción da creación de servizos para coidado de menores.

4. Accións incentivadoras do uso corresponsable das medidas de conciliación.
5. Programa de axudas ao mantemento das escolas infantís 0-3 de titularidade de concellos.
6. Programa de "Cheque Infantil" para a posta a disposición das familias galegas de prazas de educación infantil 0-3 sostidas con fondos públicos.

3. Órgano encargado da súa execución

Secretaría Xeral da Igualdade

PROGRAMA 313A. SERVIZOS Á XUVENTUDE

1. Descrición

Este programa tenta levar a cabo un conxunto de actuacións dirixidas a dar resposta aos problemas e inquiredanzas da mocidade galega, para a través delas conseguir o obxectivo final que é o de elevar as cotas de benestar dos mozos e mozas galegos.

2. Actividades

1. Realizar actuacións de coordinación co fin de fomentar na atención á mocidade a debida coherencia nas políticas e accións dirixidas ás mozas e mozos
2. Para este fin dende o Observatorio Galego da Mocidade realizarase unha labor de investigación, recollida de información e análise sobre a mocidade galega, ofrecéndonos as súas enquisas, estudos e informes un retrato da realidade xuvenil, aportando información actualizada e a evolución das dinámicas que lle son propias: prácticas e hábitos sociais, comportamentos, demandas e condicións de vida. Elaborarase e presentarse dende o Observatorio Galego da Mocidade o informe-estudo sobre a xuventude galega 2009 co obxecto de facer unha comparativa co estudo elaborado no 2007 que permita obter datos da evolución experimentada pola poboación xuvenil de Galicia neste período de tempo. En base a estes estudos poderemos realizar unha planificación das políticas xuvenís que se vaian adaptando ás novas necesidades e aos cambios que se produzan.
3. Dotación de recursos á Escola Galega de Formación que elaborará un catálogo de accións formativas tanto da propia dirección xeral como das Escolas de Tempo libre e fará unha análise das necesidades formativas existentes no sector.
4. Continuaremos na liña de promoción dos novos creadores galegos, a través da ampliación e consolidación da Rede galega de locais de ensaio para a mocidade, e do desenvolvemento do certame galego de creadores novos "Gzcrea".

5. Consolidación da Rede galega de Centros “Quérote”, de información afectivo-sexual para a mocidade coa realización de numerosas actividades de difusión, publicacións divulgativas e, entre outros, a celebración dun Congreso de Sexoloxía.
6. Continuaremos apostando pola reactivación do asociacionismo xuvenil xa que se trata dun excelente canle de participación e unha escola de cidadanía activa.
7. Promoción da información xuvenil, xa que sen información a participación non sería posible, polo que se afondará nas estratexias para achegar a información aos mozos, tendo presenza e contacto nos lugares onde se moven eles co obxecto de dar a coñecer as nosas actividades e os recursos aos que poden ter acceso.
8. Igualmente e dentro deste mesmo campo abordaranse cambios no modelo de distribución do INFOXOVE e un incremento da súa tirada.
9. Continuar na labor da posta en valor e aproveitamento integral das instalacións xuvenís.
10. Realización de programas que promovan a prevención de condutas de risco entre a xuventude (seguridade viaria, condutas alimenticias,...) así como o ocio positivo e creativo.
11. Actividades que promovan entre a mocidade unha maior identificación co seu país a través de programas relacionados tanto co noso patrimonio lingüístico e cultural como co noso patrimonio natural.
12. Continuar na labor iniciada de contribución á profesionalización do sector do tempo libre que ata agora funcionaba en clave moi precaria, estacional e sen posibilidades de promoción profesional.
13. Fomentar o acceso ás novas tecnoloxías, así como a mobilidade xuvenil, a través de programas europeos, especialmente os vinculados á relación histórica entre Galicia e Portugal.
14. Convocatoria de subvencións en materia de xuventude a entidades locais, asociacións xuvenís, entidades prestadoras de servizos á xuventude, escolas de tempo libre e directamente a mozos para a realización de cursos de idiomas no estranxeiro.

3. Órgano encargado da súa execución

Dirección Xeral de Xuventude e Solidariedade

PROGRAMA 313B. ACCIÓNS PARA A IGUALDADE, PROTECCIÓN E PROMOCIÓN DA MULLER

1. Descrición

1. Adaptar as estruturas públicas e privadas introducindo nelas capacidades e ferramentas que potencien o xénero.
2. Fomentar a participación e o empoderamento das mulleres.
3. Garantir o acceso en igualdade da diversidade das mulleres á información e aos recursos públicos e privados.

2. Actividades

1. Desenvolvemento do V Plan para a igualdade de oportunidades entre mulleres e homes 2007/2010.
2. Campañas de información e de concienciación e sensibilización respecto da igualdade de oportunidades.
3. Fomento do tecido asociativo das mulleres.
4. Promoción da formación en igualdade de oportunidades.

3. Órgano encargado da súa execución

Secretaría Xeral da Igualdade

PROGRAMA 313C. OUTROS SERVIZOS SOCIAIS DE PROMOCIÓN SOCIAL

1. Descrición

A finalidade deste programa é a potenciación e mellora da rede de equipamentos públicos que favorezan a mellor calidade e nivel de atención aos beneficiarios, así como a de posibilitar o financiamento dunha rede de servizos sociais de titularidade municipal, cohonestando as competencias e atribucións legais da comunidade autónoma con aquelas que as corporacións locais teñen recoñecidas no ordenamento xurídico vixente.

En consecuencia trátase de:

1. Establecer os criterios de planificación e dotación de recursos sociais na xeografía galega, de acordo coa tipificación de distribución competencial e funcional recoñecida nas leis.
2. Asegurar un sistema de financiamento estable da rede pública municipal de servizos sociais que articule a nivel autonómico o denominado Plan Concertado

3. Establecer mecanismos de asesoramento, seguimento e información que favoreza a calidade, coherencia e eficacia do enteiro sistema.
4. Promover o máximo grado de coordinación dos servizos sociais de atención primaria municipal cos demais niveis do Sistema Galego de Servizos Sociais.

2. Actividades

1. Elaboración e xestión de convocatorias de subvencións a corporacións locais para a mantemento e prestación de servizos sociais de carácter básico, integrando as correspondentes funcións, prestacións e servizos do sistema da dependencia.
2. Elaboración e xestión de convocatorias de subvencións a corporacións locais para investimentos en centros de servizos sociais e centros de atención á dependencia e á exclusión de titularidade municipal.
3. Mantemento e ampliación dos sistemas de asesoramento técnico e información en Servizos Sociais.
4. Deseño e difusión de propostas técnicas para a prestación de servizos sociais de titularidade municipal.
5. Xestión do cofinanciamento da prestación de servizos sociais de carácter básico polas corporacións locais, integrando as correspondentes funcións, prestacións e servizos do sistema da dependencia.

3. Órgano encargado da súa execución

Dirección Xeral de Acción Social

PROGRAMA 313D. ACCIÓNS PARA A PROTECCIÓN E APOIO DAS MULLERES QUE SOFREN VIOLENCIA DE XÉNERO

1. Descrición

1. Atención integral ás vítimas de violencia de xénero.
2. Desesenvolvemento das distintas medidas articuladas na Lei 11/2007, do 27 de xullo, galega para a prevención e o tratamento integral da violencia de xénero.
3. Desesenvolvemento das distintas medidas articuladas na liña estratéxica 4: Abordaxe Integral da Violencia de Xénero, dentro do V Plan para a igualdade de oportunidades entre mulleres e homes 2007/2010.

2. Actividades

1. Apertura e posta en marcha do Centro de recuperación integral para as vítimas de violencia de xénero e desenvolvemento do seu programa de intervención integral.
2. Regulación do Observatorio Galego da Violencia de Xénero e establecemento das súas funcións.
3. Campañas de información, concienciación e sensibilización sobre as causas e efectos da violencia de xénero.
4. Plan de formación para a totalidade de profesionais implicados no tratamento da violencia de xénero.
5. Estudos e investigacións sobre violencia de xénero.

3. Órgano encargado da súa execución

Secretaría Xeral da Igualdade

PROGRAMA 581A. ELABORACIÓN E DIFUSIÓN ESTATÍSTICA

1. Descrición

Xestión do pagamento de gastos orixinados polas actividades de elaboración, publicación e difusión de estatísticas da vicepresidencia contempladas no programa estatístico da comunidade autónoma (Lei 16/2006, do 27 de decembro do Plan galego de estatística 2007-2011), así como doutras de interese xeral.

2. Actividades

1. Explotación do censo de persoas con minusvalidez. Publícase na páxina web da Vicepresidencia e na memoria de actividades.
2. Explotación do rexistro de fundacións e entidades de iniciativa social. Publicación impresa de carácter anual.
3. Explotación dos rexistros de centros de igualdade e do benestar. Publicación impresa de carácter anual.
4. Estatística de pensións non contributivas. En elaboración.
5. Estatística de adopcións e acollementos. Publicación impresa de carácter anual.
6. Estatística de familias numerosas. Publicación impresa de carácter anual.
7. Estatística sobre beneficiarios da Risga e das axudas de emerxencia social. Publicado na páxina web da Vicepresidencia.

8. Estatística de violencia de xénero. Publicación impresa de carácter anual.

3. Órgano encargado da súa execución

Secretaría Xeral

3.1.2 Do Organismo Autónomo

PROGRAMA 311A. DIRECCIÓN E SERVIZOS XERAIS DE PROMOCIÓN SOCIAL.

1. Descrición

Destinado ao aboamento das remuneracións do persoal do Servizo Galego de Promoción da Igualdade do Home e da Muller e a seguridade social destes.

2. Actividades

Gastos de persoal do Organismo.

3. Órgano encargado da súa execución

Servizo Galego de Promoción da Igualdade do Home e da Muller.

**PROGRAMA 313B. ACCIÓNS PARA A IGUALDADE, PROTECCIÓN E PROMOCIÓN
DA MULLER**

1. Descrición

1. Execución das liñas de actuación do Servizo Galego de Promoción da Igualdade do Home e da Muller para a consecución dos seus obxectivos a través dos distintos programas que realizará no vindeiro exercizo.
2. Executará os plans, programas de acción e actividades que, para a consecución dos obxectivos enunciados, realicen os distintos departamentos da Xunta de Galicia en materias con incidencia sobre o colectivo feminino, así como os concellos.
3. Realizará actividades, en colaboración con asociacións e outrass Administracións, de promoción da igualdade.
4. Prestará un especial apoio ás actividades de estímulo ao asociacionismo así como á formación e á promoción do emprego das mulleres e a súa información en todos os eidos.

5. Finalmente, a través dos programas de atención especializada, fomentará accións dirixidas a determinados colectivos de mulleres con necesidades específicas.

2. Actividades

1. Impulso da realización de estudos e investigacións e a súa publicación sobre a situación das mulleres que visibilicen as carencias existentes e direccionen actuacións das políticas públicas.
2. Organización de congresos, conferencias, exposicións, mesas redondas, foros, encontros e campañas divulgativas sobre temas específicos en materia de igualdade de oportunidades, así como a súa participación naqueles foros onde se debata a súa situación no presente século e no Mercado Único Europeo.
3. Colaboración no reforzamento e ampliación dos distintos centros e servizos de información ás mulleres.
4. Apoio a medidas de igualdade nas empresas galegas.
5. Fomento do acceso das mulleres á cotitularidade das explotacións agrarias.
6. Promoción de recursos e proxectos que faciliten a conciliación dos tempos, nomeadamente no medio rural como Bancos de tempos.
7. Continuidade das coleccións:
 - a) ‘As letras das mulleres’
 - b) ‘Estudos’
 - c) ‘Contos da igualdade’
8. Creación, reforzo e optimización de recursos do Servizo Galego de Igualdade, especialmente a actualización e difusión do anuario titulado “A realidade das mulleres galegas”.
9. Promoción e execución dos seguintes programas:
 - d) Programa de educación en igualdade dirixido a pais e nais, profesorado, Anpas e alumnado.
 - e) Programa de formación de persoal técnico que presta os seus servizos en distintas entidades e administracións relacionadas coa atención ás mulleres.
 - f) Programa de formación profesional destinado a mulleres co fin de mellorar a súa capacitación profesional cara a inserción, promoción ou reciclaxe laboral en colaboración con entidades que persigan este fin.
 - g) Diversificación dos programas de apoio ao emprendemento (Programa EMEGA), coas seguintes liñas de actuación:

- Programa de axudas á creación e consolidación de empresas lideradas por mulleres, orientado a apoiar economicamente as iniciativas empresariais promovidas por mulleres e a súa consolidación con fincapé nas novas tecnoloxías e os recursos de conciliación.
- Programa de apoio a mulleres rurais para o acceso á cotitularidade de explotacións agrarias.
- Programa de asesoramento ás empresas para un mellor aproveitamento dos recursos e posibilidades.
- Programa de apoio a mulleres do mar, cara á consolidación da súa actividade e visibilización da mesma.
- Programa de intercambio interrexional e internacional de coñecementos e experiencias nas empresas, incluíndo a formación no exterior de mulleres para a aplicación nas empresas galegas da súa experiencia.
- Programa de atención a mulleres soas con cargas familiares non compartidas, orientado a facilitar o seu acceso ao mercado laboral, consistente na creación dun servizo gratuíto de coidado de persoas dependentes durante o tempo adicado á súa formación nos programa financiados dende o SGI.
- Colaboración con entidades que desenvolven programas de atención a mulleres en especiais situacións de vulnerabilidade.
- Programa de apoio a nais que retornan ao proceso educativo, consistente no pago da primeira matrícula no retorno.

3. Órgano encargado da súa execución

Servizo Galego de Promoción da Igualdade do Home e da Muller

PROGRAMA 313D. ACCIÓNS PARA A PROTECCIÓN E APOIO DAS MULLERES QUE SOFREN VIOLENCIA DE XÉNERO

1. Descrición

O marco legal (Lei galega para a prevención e o tratamento integral da violencia de xénero), así como os resultados dos indicadores da violencia contra as mulleres, sinalan como prioritario este programa de actuacións por parte da Xunta de Galicia, tanto para a aplicación efectiva de dita Lei como para trocar a situación actual.

Así, en execución das competencias atribuídas pola Lei de creación do Organismo, no vindeiro ano está previsto realizar as seguintes actuacións:

2. Actividades

1. Programa de atención telefónica gratuita ás mulleres 24 horas coa intención de mellorar a atención multidisciplinar ás mulleres, nomeadamente na prevención e atención urxente en violencia de xénero.
2. Programa de apoio económico “Salario da liberdade” dirixido a mulleres en situacións de maltrato que carezan doutros recursos
3. Consolidación do programa RODELA de voluntariado de acompañamento a mulleres vítimas de violencia.
4. Posta en marcha do Fondo de Garantía de Indemnizacións, establecido na Lei 11/2007, do 27 de xullo, galega para a prevención e o tratamento integral da violencia de xénero

3. Órgano encargado da súa execución

Servizo Galego de Promoción da Igualdade do Home e da Muller

4. CADROS NUMÉRICOS

Orzamento consolidado. Distribución dos créditos por programas e servizos

Programas	Servizos							
	10	20	30	40	41	42	80	Total
311A-Dirección e servizos xerais de promoción social	41.678,5	609,2	20.260,7	8.225,3	145.722,0		1.111,1	217.606,9
312A-Pensións e prestacións asistenciais			1.843,8		44.819,1			46.662,9
312B-Servizos sociais de prestacións ás familias e á infancia			11.417,3		5.296,0			16.713,2
312D-Servizos sociais de atención a persoas en situación de dependencia					137.619,2			137.619,2
312E-Servizos sociais atención persoas con discapacidade					47.245,9			47.245,9
312F-Programas de solidariedade					6.766,5	3.061,6		9.828,1
312G-Apoio á conciliación da vida laboral e persoal e outros servizos de protección social			5.147,4					5.147,4
313A-Servizos á xuventude						19.792,3		19.792,3
313B-Accións para a igualdade, protección e promoción da muller			23.928,8				7.276,0	31.204,8
313C-Outros servizos sociais de promoción social					11.940,4			11.940,4
313D-Accións para protección e apoio das mulleres que sofren violencia xénero			1.569,8				1.267,5	2.837,3
581A-Elaboración e difusión estatística	80,0							80,0
Total	41.758,5	609,2	64.167,7	8.225,3	399.409,1	22.853,9	9.654,6	546.678,4

Orzamento consolidado. Distribución dos créditos por programas e capítulos

Programas	Capítulos						
	I	II	III	IV	VI	VII	Total
311A-Dirección e servizos xerais de promoción social	121.658,4	72.873,3		2.543,8	20.331,3	200,0	217.606,9
312A-Pensións e prestacións asistenciais				46.417,2		245,7	46.662,9
312B-Servizos sociais de prestacións ás familias e á infancia				13.235,4	202,6	3.275,3	16.713,2
312D-Servizos sociais de atención a persoas en situación de dependencia	8.262,2	62.473,0		66.884,0			137.619,2
312E-Servizos sociais atención persoas con discapacidade				38.075,5	4.355,0	4.815,4	47.245,9
312F-Programas de solidariedade	791,1	735,5		7.164,5	747,0	390,0	9.828,1
312G-Apoio á conciliación da vida laboral e persoal e outros servizos de protección social				5.147,4			5.147,4
313A-Servizos á xuventude	7.408,1	4.608,0		2.900,0	3.576,2	1.300,0	19.792,3
313B-Accións para a igualdade, protección e promoción da muller		844,1		30.219,1	141,6		31.204,8
313C-Outros servizos sociais de promoción social			5,7	10.363,4	23,5	1.547,7	11.940,4
313D-Accións para protección e apoio das mulleres que sofren violencia xénero		126,5		2.510,8	200,0		2.837,3
581A-Elaboración e difusión estatística					80,0		80,0
Total	138.119,8	141.660,5	5,7	225.461,1	29.657,2	11.774,0	546.678,4

Distribución orgánica

10 SECRETARÍA XERAL	2008	2009	% Var.
Cap. I - Gastos de persoal	16.049,1	16.923,4	5,4
Cap. II - Gastos en bens correntes e servizos	4.862,6	4.822,6	-0,8
Cap. IV - Transferencias correntes	720,0	950,1	32,0
Cap. VI - Investimentos reais	18.890,1	18.862,5	-0,1
Cap. VII - Transferencias de capital	310,4	200,0	-35,6
Total	40.832,1	41.758,5	2,3

(Miles de Euros)

20 S.X. DE RELACIÓNS INTITUCIONAIS	2008	2009	% Var.
Cap. I - Gastos de persoal	81,3	81,7	0,5
Cap. II - Gastos en bens correntes e servizos	263,4	245,0	-7,0
Cap. IV - Transferencias correntes	0,0	50,0	0,0
Cap. VI - Investimentos reais	250,0	232,5	-7,0
Total	594,7	609,2	2,4

(Miles de Euros)

30 SECRETARÍA XERAL DA IGUALDADE	2008	2009	% Var.
Cap. I - Gastos de persoal	14.309,8	14.866,5	3,9
Cap. II - Gastos en bens correntes e servizos	4.327,9	4.077,9	-5,8
Cap. IV - Transferencias correntes	26.513,4	40.940,2	54,4
Cap. VI - Investimentos reais	1.338,0	1.658,0	23,9
Cap. VII - Transferencias de capital	11.201,9	2.625,3	-76,6
Total	57.691,0	64.167,7	11,2

(Miles de Euros)

40 SECRETARÍA XERAL DO BENESTAR	2008	2009	% Var.
Cap. I - Gastos de persoal	7.625,2	8.225,3	7,9
Total	7.625,2	8.225,3	7,9

(Miles de Euros)

41 DIRECCIÓN XERAL DE ACCIÓN SOCIAL	2008	2009	% Var.
Cap. I - Gastos de persoal	83.240,4	88.712,7	6,6
Cap. II - Gastos en bens correntes e servizos	104.225,7	126.200,9	21,1
Cap. III - Gastos financeiros	0,0	5,7	0,0
Cap. IV - Transferencias correntes	147.788,8	172.093,0	16,4
Cap. VI - Investimentos reais	9.210,4	4.748,1	-48,4
Cap. VII - Transferencias de capital	7.397,9	7.648,8	3,4
Total	351.863,2	399.409,1	13,5

(Miles de Euros)

42 D.X. DE XUVENTUDE E SOLIDARIDADE	2008	2009	% Var.
Cap. I - Gastos de persoal	7.898,9	8.199,2	3,8
Cap. II - Gastos en bens correntes e servizos	5.715,5	5.343,5	-6,5
Cap. IV - Transferencias correntes	4.110,1	3.855,0	-6,2
Cap. VI - Investimentos reais	4.346,8	4.156,2	-4,4
Cap. VII - Transferencias de capital	2.000,0	1.300,0	-35,0
Total	24.071,3	22.853,9	-5,1

(Miles de Euros)

80 SERVIZO GALEGO DE PROMOCIÓN DA IGUALDADE	2008	2009	% Var.
Cap. I - Gastos de persoal	1.088,9	1.111,1	2,0
Cap. II - Gastos en bens correntes e servizos	1.001,9	970,6	-3,1
Cap. IV - Transferencias correntes	8.522,6	7.572,9	-11,1
Cap. VII - Transferencias de capital	225,3	0,0	-100,0
Total	10.838,6	9.654,6	-10,9

(Miles de Euros)

SERVIZOS	2008	2009	% Var.
10 SECRETARÍA XERAL	40.832,1	41.758,5	2,3
20 S.X. DE RELACIÓNS INSTITUCIONAIS	594,7	609,2	2,4
30 SECRETARÍA XERAL DA IGUALDADE	57.691,0	64.167,7	11,2
40 SECRETARÍA XERAL DO BENESTAR	7.625,2	8.225,3	7,9
41 DIRECCIÓN XERAL DE ACCIÓN SOCIAL	351.863,2	399.409,1	13,5
42 D.X. DE XUVENTUDE E SOLIDARIDADE	24.071,3	22.853,9	-5,1
80 SERVIZO GALEGO DE PROMOCIÓN DA IGUALDADE	10.838,6	9.654,6	-10,9
Total	493.516,2	546.678,4	10,8

(Miles de Euros)

Consellería e organismo autónomo

	Consellería		OO.AA ou/e Axencias		Trans. Internas		Consolidado	
	2008	2009	2008	2009	2008	2009	2008	2009
Cap. I - Gastos de persoal	129.204,7	137.008,7	1.088,9	1.111,1			130.293,6	138.119,8
Cap. II - Gastos en bens correntes e servizos	119.395,0	140.689,8	1.001,9	970,6			120.396,9	141.660,5
Cap. III - Gastos financeiros	0,0	5,7					0,0	5,7
Cap. IV - Transferencias correntes	189.745,6	227.515,6	8.522,6	7.572,9	10.613,4	9.627,3	187.654,9	225.461,1
OPERACIÓNS CORRENTES	438.345,4	505.219,9	10.613,4	9.654,6	10.613,4	9.627,3	438.345,4	505.247,2
Cap. VI - Investimentos reais	34.035,2	29.657,2					34.035,2	29.657,2
Cap. VII - Transferencias de capital	21.135,5	11.774,0	225,3		225,3		21.135,5	11.774,0
OPERACIÓNS DE CAPITAL	55.170,7	41.431,2	225,3		225,3		55.170,7	41.431,2
Total	493.516,2	546.651,1	10.838,6	9.654,6	10.838,6	9.627,3	493.516,2	546.678,4

(Miles de Euros)

Medios persoais

Consellería	2008	2009
<i>Altos cargos</i>	11	11
<i>Persoal funcionario</i>	680	686
Subgrupo A1	250	252
Subgrupo A2	45	46
Subgrupo C1	119	119
Subgrupo C2	240	243
Grupo E e agrupacións profesionais	26	26
<i>Persoal laboral</i>	3.323	3.536
Grupo I	216	250
Grupo II	703	729
Grupo III	393	410
Grupo IV	893	1.010
Grupo V	1.118	1.137
<i>Outro persoal</i>	128	
TOTAL	4.142	4.233

SGPIHM	2008	2009
<i>Altos cargos</i>	1	1
<i>Persoal funcionario</i>	21	21
Subgrupo A1	9	6
Subgrupo A2	3	3
Subgrupo C1	2	5
Subgrupo C2	6	6
Grupo E e agrupacións profesionais	1	1
<i>Persoal laboral</i>	3	7
Grupo I	1	3
Grupo II	1	2
Grupo III		1
Grupo IV	1	1
<i>Outro persoal</i>	4	
TOTAL	29	29